

**Adressas da las avugadias uffizialas
dal chantun Grischun:**

Circul da Cuira	081 254 49 62
Circul dad Alvra – Churwalden	081 684 29 09
Circul dals Tschintg Vitgs	081 300 61 71
Circul da Partenz – Signuradi	081 330 56 80
Circul da Claustra	081 423 16 54
Circul da Tavau	081 414 32 86
Circul da la Surselva	081 925 15 63
Circul da Razén – Trin	081 650 31 24
Circul da Tusaun	081 650 00 60
Circul da l'Engiadin'ota – Bregaglia	081 851 18 88
Circul da l'Engiadina bassa – Val Müstair	081 864 09 86
Circul da Poschiavo – Brusio	081 839 03 82

**Geniturs nunmaridads
Dretgs ed obligaziuns**

:adebar»

**Post grischun
da cussegliaziun
per planisaziun
da famiglia,
sexualitad,
gravidanza e
partenadi**

Sennensteinstrasse 5 · 7000 Cuira
Telefon 081 250 34 38
Fax 081 250 34 39

E-mail: beratung@adebar-gr.ch
www.adebar-gr.ch

Renconuschientscha da la paternitad

Tras la renconuschientscha da la paternitad vegn determinada la relaziun da parentella tranter l'uffant e ses bab natiral. Quai cumpiglia l'obligaziun da mantegniment, il dretg da visita ed il dretg d'ierta.

La renconuschientscha da la paternitad per babs cun dretg da burgais svizzer po vegnir fatga – tenor libra tscherna – tar l'uffizi da stadi civil da la vischnanca da domicil u da la vischnanca burgaisa dal bab u da la mamma, al lieu da naschientscha da l'uffant u tar tge uffizi da stadi civil da la Svizra ch'i saja. Ils babs ch'èn burgais esters sa drizzan ad in dals uffizis da stadi civil da lur chantun da domicil. Ina renconuschientscha provisorica po gia vegnir fatga avant la naschientscha da l'uffant; cun quella vegnan las pretensiuns giuridicas da l'uffant garantidas en cas d'ina eventuala mort dal bab.

Sche la renconuschientscha da la paternitad na vegn betg sutsegnada fin suenter la naschientscha, survegn l'uffant in'assistenta u in assistent tras l'autorità tutelara. Quella u quel ha dentant sulettamain l'incumbensa da reglar la paternitad.

Sch'i sa mussan difficultads areguard la paternitad gia durant la gravidanza, po la mamma contactar a temp l'avugadia uffiziala. Cun agid d'ina analisa dal DNA po ina paternitad vegnir cumprovada ozendi cun tschertezza.

Contract da mantegniment

Geniturs nunmaridads èn obligads da far in contract da mantegniment. Quest contract regla il dretg da mantegniment da l'uffant envers ses bab. Il contract da mantegniment sto vegnir approvà da l'autorità tutelara al domicil da la mamma. L'avugadia uffiziala gida ad elavurar il contract da mantegniment.

La calculaziun da las contribuziuns da mantegniment vegn adina fatga en il cas singul tenor la situaziun actuala e tenor las relaziuns da l'uffant e da ses geniturs ch'èn dadas. I na dat betg in minimum ed in maximum legal. L'atezza da la contribuziun da mantegniment resguarda ils custs da viver da l'uffant sco er la posiziun en la vita e la capacità finanziala dals geniturs; ultra da quai in'eventuala facultad ed eventualas entradas da l'uffant e/u las parts d'assistenza dal genitur che n'ha betg il dretg da tgirar l'uffant. La capacità finanziala dals geniturs vegn calculada tenor l'entrada efectiva e/u tenor l'entrada (ipotetica) che po vegnir cuntanschida cun buna voluntad.

Senza in contract da mantegniment n'ha ina mamma betg il dretg da laschar pajar anticipadamain aliments mancants tras sia vischnanca da domicil.

Obligaziuns dal bab

La mamma nunmaridada po – tenor il cudesch civil svizzer – pretender enavos dal bab las suandantas expensas fin 1 onn suenter la naschientscha da l'uffant: custs da l'ospital che na vegnan betg pajads da la cassa da malsauns, custs da viver per 12 emnas (las prestaziuns da la patruna u dal patrun ston vegnir messas a quint) sco er expensas en connex cun la gravidanza e l'emprim equipament per l'uffant pitschen.

Num, lieu d'origin e represchentanza legala da l'uffant

Ils uffants da geniturs nunmaridads survegnan il num da famiglia ed il dretg da burgais da la mamma. A partir dal 1. da schaner 2006 survegnan ils uffants da mammas ch'èn burgaisas estras e da babs cun dretg da burgais svizzer automaticamain er il dretg da burgais svizzer. La mamma è la represchentanza legala da l'uffant. En cunvegnientscha vicendaivla po in pèr nunmaridà er dumandar l'autorità tutelara per la pussanza dals geniturs cuminaivla. Sch'ils geniturs maridan pli tard, survegn l'uffant automaticamain il num da famiglia ed il dretg da burgais dal bab. Sche la mamma è anc minorena tar la naschientscha da l'uffant, survegn l'uffant in'avugada u in avugà, fin che la mamma è maiorena.

Concubinad

Sch'ils geniturs vivan ensemen cun l'uffant, ston els procurar cuminaivlamain per la tgira e per il mantegniment da l'uffant. Igl è raschunavel da far in contract da concubinad per reglar dumondas areguard las contribuziuns da la AVS, areguard la cassa da pensiun, areguard il contract da locaziun e. u. v.

Dretg da visita / pajaments d'aliments

Ils geniturs nunmaridads che vivan separadamain reglan sezs il dretg da visita. En cas da conflicts fixescha l'autorità tutelara il temp da visita. Il bab è obligà da pajar las contribuziuns da mantegniment che vegnan fixadas per l'uffant. Sch'il bab n'ademplescha betg sias obligaziuns, po la mamma dumandar sia vischnanca da domicil per in pajament anticipà d'aliments e per in agid d'incasso.

Contribuziuns da maternitad

Durant 10 mais suenter la naschientscha survegnan persunas ch'educheschan sulettas u geniturs cun entradas pitschnas contribuziuns da maternitad, per ch'in genitur possia sa deditgar a la tgira da l'uffant. Per las dumondas èn cumpetents ils servetschs socials da las regiuns e da las citads.

: *adebar* »